



Republika e Kosovës
Republika Kosova
Republic of Kosovo



Komuna e Vitisë
Opstina Vitina
Municipality of Viti/na

PROCESVERBAL

IMBLEDHJES SË PARË TË RREGULLT TË KUVENDIT TË KOMUNËS SË VITISË

Mbledhjen e ftoi dhe e kryesoi, z.Bekim Azizi, kryesues i Kuvendit të Komunës së Vitisë. Mbledhja është mbajtur më 30.01.2025 (e enjte) në shtëpinë e kulturës “Gursel e Bajram Sylejmani”, duke filluar me punë në ora 10 h. Në mbledhje morën pjesë kryesuesi i Kuvendit, z.Bekim Azizi, nënkryetari i komunës, z.Hasan Aliu si dhe këshilltarët e Kuvendit, si: z.Ramadan Deliu, z.Basri Sylejmani, znj.Valentina Mehmeti, z.Zejnepe Osmani, z.Ali Bajrami, z.Sokol Hyseni, z.Illir Zuka, z.Ekrem Ymeri, z.Arbnora Hajredini, Marigona Avdiu, z.Jakup Demiri, znj.Liridona Bislimi, z.Sejdi Emini, z.Nexhat Halili, z.Remzi Salihu, znj.Lindita Demelezi, znj.Majlinda Shabani, z.Musli Neziri, z. Veton Ramadani, znj.Vilsona Maliqi-Salihu, znj.Zyrafete Rama, znj.Anisë Zejnullahu, ndërsa mungoi z.Durim Sylejmani, z.Reshat Azizi, z.Taulant Haxhiu, z.Sokol Shaqiri. Në mbledhje morën pjesë edhe drejtorët e drejtorive, zyrat e kryetarit, mediat elektronike, dhe të tjerë. Pasi u konstatua se prezent janë 23 anëtarë të KK-së, kryesuesi i Kuvendit e shpalli të hapur mbledhjen.

Kryesuesi, z.Bekim Azizi: Mirëdita dhe mirë se keni ardhur në seancën e parë të rregullt të Kuvendit Komunal të Vitisë! Të nderuar të pranishëm, media, qytetarë të Komunës së Vitisë, mirë se keni ardh në mbledhjen e parë për këtë vit të Kuvendit. Gjatë kësaj periudhe konfirmimin e ligjshmërisë na e ka kthyer prapë Rregulloren për taksa, ngarkesa dhe gjoba, ndërsa tek aktet tjera nga seanca e kalume jemi në rregull. Unë para se me hi në rend dite du me ju falenderu të gjithëve. E di që jemi në fushatë zgjedhore, ju falenderoj të gjithëve për një angazhim për paraqitjen e programeve për fushatën që po bëhet në komunën tonë. Është një fushatë e mirë, e qetë, ju falenderoj për këtë dhe shpresoj që deri në ditën e zgjedhjeve të shkon kështu. Me qenëse jemi në fund të fushatës, ju kisha kërku që të përmbahemi në pyetjet e përgjigjet.

z.Jakup Demiri: Faleminderit kryesues! Përshëndetje për të gjithë të pranishmit! Unë si shef i grupit të LVV-së, në emrin tim dhe të grupit nuk do të parashtrojmë pyetje, sepse jemi në një gjendje kohë fushate, e nuk besoj që e ka efektin. Pyetjet do t'i lëmë për seancën e radhës. Uroj që të shkon kjo fushatë mbarë e mirë.

z.Ali Bajrami: Përshëndetje të nderuar të pranishëm! Në koordinim me grupin e këshilltarëve të LDK-së, për shkak të fushatës, që në emër të grupit dhe në emër tim përgëzoj për një fushatë të qetë dhe shumë përmbajtësore të nivelit të Komunës së Vitisë, ne në këtë seancë të gjithë grupi nuk do të kemi pyetje para se me hy në rend të ditës.

z.Musli Neziri: Përshëndetje të nderuar të pranishëm! Edhe ne ju bashkëngjitemi grupeve tjera parlamentare këtu në kuvend, dhe nuk do të kemi pyetje jashtë rendit të ditës. Uroj një fushatë të mirë, të mbarë dhe të jemi shembull për komunat tjera.

z.Nexhat Halili: Përshëndetje për të gjithë të pranishmit! Mirëpo, pasi që drejtori i shërbimeve publike nuk është këtu tash, po e bëj kërkesën të cilën e kam nga banorët e dy lagjeve të fshatit Tërstenik, lagjja “Greme” dhe “Muhagjert”. Që një kohë të gjatë këtu është blloku kanalizimi, tash mbeturinat e këtij kanalizimi kanë dalë mbi sipërfaqe të tokës, banorët e këtyre lagjeve e kanë lajmru “Hidro Moravën” e cila është menaxhuar e këtij kanalizimi, mirëpo deri tash pa sukses. Kërkesa im është. Nënkryetar, në bazë të kompetencave të cilat i keni, mundësisht të intervenoni e të zgjidhet ky problem.

z.Hasan Aliu, nënkryetar i komunës: Fillimish ju përgëzoj për propozimin e dhanë, edhe i përgëzoj shefat e grupeve për mirëkuptimin që e patën për shkak të gjendjes, që jemi në gjendje të fushatës. Edhe unë i

bashkëngjitem atij urimi, dhe më banë krenar gjithëherë që jam vitias, për shkak se kultura e polarizmi politik, Vitia e ka tregu që pas luftës mënjëherë ndoshta u kanë shembull në nivel të republikës sonë, për një fushatë që me të vërtet, e kësaj radhe ndoshta është edhe me e avancume edhe në aspekt organizativ, po edhe në aspekt të fjalorit, edhe të gjitha tipareve që i përngjanë një fushate me të vërtet të moderume dhe të qytetruar, dhe i përgëzoj kryetarët e subjekteve politike dhe kandidatet të cilët garojnë, ju uroj secilit suksese dhe uroj që kjo formë të mbyllet deri me datën 9 shkurt dhe të jet ditë manifestimi, pavarësisht të rezultatit. Kërkojmë edhe nga subjektet politike që të punojnë me komisionerët e tyre që, edhe këtu të dalim faqebardhë dhe të sakt. Sa i përket kërkesës së Nexhatit, janë disa çështje që ndodhin e nuk na vesin. Pyetja është plotësisht me vend. Unë e kam numrin tanë të telefonit, pas seancën do të mirrem shumë me seriozitet dhe besoj që brenda ditës apo nesër do të informoj si është gjendja, sepse nuk po e di a kemi kompani të kontraktume që shkon. Po do ta shoh gjendjen si është.

Kryesuesi, z.Bekim Azizi: Për këtë seancë materialin e keni marrë me kohë. Për këtë mbledhje kemi këtë:

R e n d i t e

- 1. Shqyrtimi dhe miratimi i procesverbalit nga mbledhja e dymbëdhjetë e Kuvendit Komunal.**
- 2. Propozim për shqyrtimin dhe miratimin e propozim vendimit për caktimin e orarit të mbajtjes së takimeve të Kuvendit të Komunës së Vitisë për vitin 2025.**
- 3. Propozim për shqyrtimin dhe miratimin e propozim vendimit për plotësim ndryshimin e Vendimit Nr. 01-035/02-1356, të datës 29.11.2024 për caktimin e normave tatimore për tatimin në pronat e paluajtshme për vitin 2025.**
- 4. Propozim për shqyrtimin dhe miratimin e propozim vendimit për ndryshim plotësimin e vendimit paraparak me nr. 01-035/02-1358, të datës 29.11.2024 për dhënien në shfrytëzim të pronës komunale përmes procedurës së shprehjes së interesit**
- 5. Informatë mbi punën e kuvendit komunal dhe komiteteve funksionale për periudhën janar - dhjetor 2024.**
- 6. Informatë mbi punën e Komitetit për Komunitete të Komunës së Vitisë për periudhën janar - dhjetor 2024.**
- 7. Informatë për zbatimin e planit të KKSBB-së për vitin 2024.**

Kemi edhe një kërkesë për pikë shtesë të rendit të ditës, **propozim për ndryshim plotësim të rregullores për taksa, ngarkesa dhe gjoba**

z.Visar Demiri, drejtor i Urbanizmit bënë prezantimi e pikës shtesë të rendit të ditës.

Kryesuesi, z.Bekim Azizi: A ka najkush tjetër rreth rendit të ditës? Pasi që nuk ka: a jeni që të miratohet rendit i ditës me pikën shtesë, Propozim për ndryshim plotësim të rregullores për taksa ngarkesa dhe gjoba? Nga të gjithë të pranishmit u miratu rendi i ditës.

Si pikë të parë të rendit të ditës:

- 1. Shqyrtimi dhe miratimi i procesverbalit nga mbledhja e dymbëdhjetë e Kuvendit Komunal**

Nga të gjithë të pranishmit u miratu pika e parë e rendit të ditës.

Si pikë të dytë e rendit të ditës kemi:

- 2. Propozim për shqyrtimin dhe miratimin e propozim vendimit për caktimin e orarit të mbajtjes së takimeve të kuvendit të komunës së Vitisë për vitin 2025.**

Kryesuesi, z.Bekim Aziz: Ne e kemi miratu këtë çdo vit, po duhet edhe këtë vit me e miratu orarin e mbajtjes së takimeve. Materialin e keni marr me kohë: a keni ndonjë vërejtje?

z.Nexhat Halili: Tek muaji nëntor po e shoh një gabim, takimi i Komitetit për Politikë dhe Financa me datën 29.11.2025, kurse takimi i kuvendit me 28.11.2025. A është ndonjë gabim teknik.

Kryesuesi, z.Bekim Azizi: Përmirësohet ky gabim teknik. A jeni me këtë gabim teknik të miratohet kjo pikë e rendit të ditës? Nga të gjithë të pranishmit u miratu edhe kjo pikë e rendit të ditës.

Si pikë e tretë e rendit të ditës:

3. **Propozim për shqyrtimin dhe miratimin e propozim vendimit për plotësim ndryshimin e Vendimit Nr. 01-035/02-1356, të datës 29.11.2024 për caktimin e normave tatimore për tatimin në pronat e paluajtshme për vitin 2025**

Këtu kemi të bëjmë me një ndryshim plotësim tek preambula e vendimit. E keni materialin, hapi debat për këtë pikë. Pasi që nuk ka debat e qes në votim për miratim. Nga të gjithë të pranishmit u miratu edhe kjo pikë e rendit të ditës.

Si pikë e katër e rendit të ditës:

4. **Propozim për shqyrtimin dhe miratimin e propozim vendimit për ndryshim plotësimin e vendimit paraparak me nr. 01-035/02-1358, të datës 29.11.2024 për dhënien në shfrytëzim të pronës komunale përmes procedurës së shprehjes së interesit**

Nëse ju kujohet, në seancën e muajit të nëntorit kemi caktu një lokacion për dhënien në shfrytëzim të paneleve solare dhe vetëm u kërku që të definohet forma si duhet të jepet. Materialin e keni marr me kohë, hapi debat për këtë pikë.

z.Jakup Demiri: Edhe kur u miratu vendimi bazë, ne kemi abstenu për disa arsye që nuk po du tani me i cekë. Prapë ne si grup abstenojmë tek kjo pikë e rendit të ditës.

Kryesuesi z.Bekim Azizi: Pasi që nuk ka të tjerë për diskutim, qes në votim për miratim. Me 16 vota pro, kundër nuk ka, abstenim 7, miratohet edhe kjo pikë e rendit të ditës.

Si pikë e pestë e rendit të ditës:

5. **Informatë mbi punën e kuvendit komunal dhe komiteteve funksionale për periudhën janar - dhjetor 2024**

Kryesuesi, z.Bekim Azizi: Informatën e keni marrë me kohë, i keni të dhënat në informatë, hapi debat për diskutim për këtë pikë të rendit të ditës. Pasi që nuk ka për diskutim, kjo pikë nuk votohet. Kalojmë në pikën tjetër.

Si pikë e gjashtë e rendit të ditës:

6. **Informatë mbi punën e Komitetit për Komunitete të Komunës së Vitisë për periudhën janar - dhjetor 2024**

Kryesuesi, z.Bekim Azizi: Edhe këtë informatë e keni marr me kohë. Hapi debat edhe për këtë pikë të rendit të ditës. Pasi që nuk ka për diskutim, kjo pikë nuk votohet, kalojmë në pikën tjetër.

Si pikë e shtatë e rendit të ditës:

7. **Informatë për zbatimin e planit të KKSB-së për vitin 2024**

z.Hasan Aliu, nënkryetar i komunës: Para juve e keni informatën lidhur me zbatimin e planit të KKSB-së. Është hera e parë pas shumë viteve që KKSB ka mbajt 4 takime nga 6 të cilët i ka obligative. Ka qenë për shkak të pakënaqësisë të cilën e kanë anëtarët e KKSB-së rreth pagesës, që unë konsideroj të arsyshme, sepse në udhëzim thotë që, mëditja e tyre do të jet si mëditja e anëtarëve të KPF-së, mirëpo me Ligjin e Pagave këta nuk po kanë mëditje, e nga kjo edhe nuk po mbahet takimet e KKSB-së. Po duhet me i falenderu qytetarët e Komunës së Vitisë, sepse gjendjen e sigurisë e kemi të mirë.

Kryesuesi, z.Bekim Azizi: Hapi debat për këtë pikë të rendit të ditës. Pasi që nuk ka kalojmë në pikën tjetër të rendit të ditës.

Si pikë e tetë e rendit të ditës:

8. **Propozim për ndryshim plotësim të Rregullores për taksa, ngarkesa dhe gjoba**

Kryesuesi, z.Bekim Azizi: Hapi debat për këtë pikë siç e prezentoj drejtori Visari. Nga të gjithë të pranishmit u miratu edhe kjo pikë e rendit të ditës me ndryshime siç e ka kërku ministria. Nga të gjithë të pranishmit u miratu edhe kjo pikë e rendit të ditës. Faleminderit të gjithëve, shihemi në seancën e radhës.

Mbledhja përfundoi me punë në ora 10:40 min.

Procesmbajtësi:
Fatlum Demiri

Kryesuesi i Kuvendit Komunal:
Bekim Azizi